



Broj: 07-05-11-30827/20  
Sarajevo, 17.08.2020. godine

Na osnovu Zakona o poticaju razvoja male privrede ("Službene novine Kantona Sarajevo", broj: 29/15), Odluke o usvajanju Godišnjeg plana provođenja Programa razvoja male privrede za 2020. godinu, broj: 02-04-29129-6/20 od 06.08.2020. godine, Odluke o usvajanju Programa utroška sredstava sa kriterijima raspodjele sredstava "Poticaj razvoju male privrede" za 2020. godinu, broj: 07-05-15-28764-1/20 od 11.08.2020. godine, Budžeta Kantona Sarajevo za 2020. godinu ("Službene novine Kantona Sarajevo", br. 10/20, 18/20 i 29/20) i člana 4. stav (1) Pravilnika o postupcima u provođenju Programa razvoja male privrede ("Službene novine Kantona Sarajevo", br. 17/16, 30/16, 42/16, 21/17 i 29/19), Ministarstvo privrede Kantona Sarajevo objavljuje

**JAVNI POZIV**  
**za odabir korisnika poticajnih sredstava "Poticaj razvoju male privrede"**  
**u Kantonu Sarajevo za 2020. godinu**

**I PREDMET POZIVA**

a) Predmet Javnog poziva je prikupljanje prijave subjekata male privrede sa područja Kantona Sarajevo u cilju odabira korisnika poticajnih grant sredstava za subvencioniranje (refundiranje dijela troškova) i sufinansiranje programa/projekata u skladu sa: Zakonom o poticaju razvoja male privrede ("Službene novine Kantona Sarajevo", broj: 29/15), Odluke o usvajanju Programa utroška sredstava sa kriterijima raspodjele sredstava "Poticaj razvoju male privrede" za 2020. godinu, broj: 07-05-15-28764-1/20 od 11.08.2020. godine (u daljem tekstu: Odluka) i Pravilnikom o postupcima u provođenju Programa razvoja male privrede (u daljem tekstu: Pravilnik), za sljedeće programe:

1. Program: Subvencioniranje (refundiranje) troškova kamata po preuzetim kreditim
2. Program: Poticaj za tehnološku modernizaciju i primjenu standarda kvalitete
3. Program: Poticaj za unaprjeđenje poduzetništva obrtnika
4. Program: Poticaj start up subjektima male privrede
5. Program: Poticaj razvoja ženskog preduzetništva

**II OPĆI UVJETI DODJELE POTICAJNIH GRANT SREDSTAVA I SUBVENCIIJA**

- a) Pravo na dodjelu poticajnih sredstava za subvencioniranje (refundiranje) dijela troškova i/ili finansiranje/sufinansiranje određenih prihvatljivih aktivnosti u skladu sa dostavljenim projektom/programom ostvaruju subjekti male privrede definisani u članu 5. Zakona ("Službene novine Kantona Sarajevo", broj: 29/15), a koji na osnovu obavještenja Službe za



statistiku o razvrstavanju prema klasifikaciji djelatnosti obavljaju registrovanu djelatnost unutar dozvoljenih slijedećih područja djelatnosti prema Klasifikaciji djelatnosti KD BiH 2010 ("Službeni glasnik BiH", broj 47/10):

- C Prerađivačka industrija (osim oblasti 12 Proizvodnja duhanskih proizvoda i oblasti 19 Proizvodnja koksa i rafiniranih naftnih proizvoda);
  - F Građevinarstvo;
  - I Djelatnosti pružanja smještaja te pripreme i usluživanja hrane (hoteljerstvo i ugostiteljstvo);
  - J Informacije i komunikacije;
  - M Stručne, znanstvene i tehničke djelatnosti;
  - N Administrativne i pomoćne uslužne djelatnosti (osim oblasti 77 - djelatnosti iznajmljivanja i davanja u zakup (leasing) i 78 Djelatnosti posredovanja u zapošljavanju);
  - Q Djelatnosti zdravstvene zaštite i socijalne skrbi;
  - S Ostale uslužne djelatnosti (osim oblasti 94 Djelatnosti članskih organizacija).
- b) Prednost prilikom izbora korisnika imaju privredni subjekti koji se bave proizvodnom djelatnošću, a posebno izvozno orijentisani subjekti male privrede, te privredni subjekti koji posluju u strateškim privrednim granama za Kanton Sarajevo.
- c) Pravo na poticajna sredstva ne može ostvariti subjekt male privrede za kojeg se u postupku obrade podnesene prijave utvrdi da po osnovu uvjerenja porezne uprave i uprave za indirektno oporezivanje ima dospjelu a neizmirenu obavezu, te privredni subjekti u stečaju ili postupku likvidacije. Sredstva se neće dodijeliti podnosiocu zahtjeva koji nije opravdao utrošak dodijeljenih sredstava iz prethodnog perioda.
- d) Podnositelj zahtjeva nema pravo na poticajna sredstva ukoliko je po istom programu primio poticajna sredstva od strane Vlade Kantona ili neke druge institucije u FBiH.
- e) Svaki preduzetnik kojemu se isplate poticajna sredstva po pojedinom Programu i Javnom pozivu dužan je omogućiti kontrolu namjenskog utroška dobijenih poticajnih grant sredstava. Ukoliko preduzetnik u skladu s Javnim pozivom ostvari pravo na temelju dostavljene neistinite dokumentacije, ili se utvrdi da je za istu namjenu primio poticajna sredstva iz drugih izvora, dobijena sredstva uvećana za zakonsku zateznu kamatu koja se obračunava od dana primitka iznosa mora vratiti, te se u skladu sa Zakonom i Pravilnikom isključuje iz programa sufinansiranja i/ili subvencioniranja.
- f) Podnositelj prijave može podnijeti 1 (jednu) prijavu po programu, a najviše ukupno 2 (dvije) prijave po objavljenim programima, a opću dokumentaciju prilaže samo uz jednu prijavu (u eventualno podnesenoj drugoj prijavi navodi uz koju je prijavu podnesena opća dokumentacija).
- g) U skladu sa članom 11. stav (2) Pravilnika podnosilac prijave koji je dva puta uzastopno po istom programu koristio poticajna grant sredstva Ministarstva, nema pravo učešća u Javnom pozivu Ministarstva dvije godine, računajući od zadnje godine u kojoj su mu sredstva odobrena. Ovo ograničenje se po članu 11. stav (2) Pravilnika ne odnosi na nosioce Programa iz člana 16. tč. c), d), e) i f) Zakona.
- h) Ukoliko subjekti male privrede po pojedinom programu podnesu zahtjeve, koji su nakon obrade u ukupnom iznosu veći od planiranog iznosa za ovaj program, Ministarstvo može donijeti prijedlog Odluke da se svim aplikantima koji ispunjavaju tražene uslove odobre



poticajna sredstva srazmjerno ukupnim planiranim sredstvima za ovaj Program. Odluku donosi Vlada Kantona Sarajevo.

- i) U skladu sa Godišnjim planom i Programom utroška sredstava sa kriterijima raspodjele sredstava "Poticaj razvoju male privrede" za 2020. godinu, a u slučaju da se nakon provedenog javnog poziva i postupka odabira Korisnika poticajnih sredstava po pojedinim Programima ne utroše planirana finansijska sredstva osigurana u Budžetu Kantona Sarajevo za 2020. godinu, neutrošeni iznos sredstava je moguće preraspodijeliti za one programe za koje planirana sredstva nisu dovoljna.

### III PROGRAMI

#### **1. Program: Subvencioniranje (refundiranje) troškova kamata po preuzetim kreditim**

##### **Pravo učešća**

Pravo na dodjelu poticajnih grant sredstava za subvencioniranje (refundiranje) troškova kamata po preuzetim kreditima ostvaruju subjekti male privrede definisani u skladu sa Zakonom o poticaju razvoja male privrede koji: imaju sjedište na prostoru Kantona Sarajevo, imaju najmanje jednog zaposlenika na neodređeno vrijeme i koji na osnovu obavještenja Službe za statistiku o razvrstavanju prema klasifikaciji djelatnosti obavljaju registrovanu djelatnost unutar dozvoljenih područja djelatnosti, a koje su navedene u poglavlju II tačka a) ovog javnog poziva. Poslovni subjekti su obavezni da dostave ugovor o kreditu sa komercijalnom bankom iz 2018. i 2019. godine iz kojeg je jasno vidljiva namjena odobrenih kreditnih sredstava (nabavka trajnih sredstava, mašina i opreme i/ili finansiranja investicija za rast i razvoj subjekata male privrede, te dio za obrtna sredstva u maksimalnom iznosu do 30% ukupnog iznosa kredita. Neprihvatljivi troškovi su: vanjski građevinski radovi, kupovina/najam osobnih vozila, plaće i doprinosi na plaće, kupovina, obnova, rekonstrukcija, modernizacija objekata za najam ili prodaju, kupovina i iznajmljivanje zemljišta i nabavka opreme i mašina od lica koja nisu registrovani poslovni subjekti. Subvencionirati (refundirati) će se dio troškova kamate za realizovane kredite koji imaju efektivnu kamatnu stopu (EKS) veću od 3%. Visina subvencioniranog dijela plaćenih troškova kamata za odobrene kredite kod komercijalnih banaka u 2018. i 2019. godini iznosi:

1. -50% plaćene kamate na kredite sa efektivnom kamatnom stopom 3 do 6%.
2. - 60% plaćene kamate na kredite sa efektivnom kamatnom stopom većom od 6,01%.

##### **Namjena utroška odobrenih poticajnih grant sredstava**

Program omogućava subjektima male privrede koji su kreditno zaduženi u komercijalnim bankama (po osnovu nabavke trajnih sredstava, opreme i/ili finansiranja investicija za rast i razvoj subjekata male privrede), a koji obavljaju djelatnost navedenu u općim uvjetima dodjele poticajnih grant sredstava i subvencija da ostvare pravo na grant finansijska sredstva na ime subvencioniranja (refundiranja) dijela plaćenih troškova kamate. Korisnicima se na ovaj način omogućavaju poticajna grant finansijska sredstva čija namjena je obezbjeđenje tekuće likvidnosti, produktivnije poslovanje i rast privrednih aktivnosti, nabavka osnovnih sredstava i investicije (dugoročna finansiranja), na način koji omogućava stabilizaciju i povećanje obima proizvodnje i/ili usluga, te u skladu sa tim očuvanje postojećih i obezbjeđenje novih radnih mjesta. Korisnik koji po ovom osnovu ostvari subvenciju u maksimalnom iznosu ima obavezu zapošljavanja novog/ih radnika u



trajanju od najmanje godinu dana, o čemu je korisnik dužan uz redovni Izvještaj o utrošku sredstava dostaviti i potvrdu Porezne uprave o zapošljavanju novog radnika.

**Ukupan iznos sredstava za ovu namjenu je 400.000,00 KM.**

Programom utroška sredstava za 2020. godinu za podnosiocima prijava, koji su kreditno zaduženi u komercijalnim bankama i ispunjavaju tražene uslove predviđen je ukupan iznos sredstava od 400.000,00 KM. Minimalan iznos kredita za koji podnosioci zahtjeva, koji su kreditno zaduženi u komercijalnim bankama, mogu podnijeti zahtjev za subvencioniranje dijela troškova kamata je 30.000,00 KM, a maksimalan iznos kredita je 1.000.000,00 KM. Ukoliko korisnik realizuje dva ili više kredita imat će pravo na subvencioniranje dijela troškova kamata na zbir kredita koji ne prelazi iznos od 1.000.000,00 KM. Maksimalan iznos poticaja po osnovu subvencioniranja (refundiranja) troškova kamate iznosi najviše 20.000,00 KM prihvatljivih troškova za jedan privredni subjekt.

**Kriteriji za izbor korisnika poticajnih grant sredstava**

Podnosioci zahtjeva koji su kreditno zaduženi u komercijalnim bankama obavezni su dostaviti: ugovor o kreditu sa komercijalnom bankom iz 2018. i 2019. godine iz kojeg je jasno vidljiva namjena odobrenih kreditnih sredstava (opisana u dijelu - pravo učešća) i Potvrdu banke o redovnoj otplati kredita sa obaveznim pregledom i ukupnim iznosom obračunatih i naplaćenih kamata za svaku godinu za koju se traži subvencija (refundacija) dijela troškova kamate po osnovu kredita odobrenog u predmetnoj komercijalnoj banci, te ostalu opću i posebnu dokumentaciju u skladu sa ovim Javnim pozivom. Ukoliko subjekti male privrede podnesu zahtjeve, koji su nakon obrade u ukupnom iznosu veći od planiranog iznosa za ovu namjenu, Ministarstvo može donijeti prijedlog Odluke da se svim aplikantima koji ispunjavaju tražene uslove odobre poticajna sredstva srazmjerno ukupnim planiranim sredstvima za ovaj Program.

**2. Program: Poticaj za tehnološku modernizaciju i primjenu standarda kvalitete**

**Pravo učešća**

Pravo na dodjelu poticajnih grant sredstava za subvencioniranje (refundiranje) troškova u 2018. i 2019. godinu za tehnološku modernizaciju i primjenu standarda kvalitete ostvaruju subjekti male privrede definisani u skladu sa Zakonom o poticaju razvoja male privrede koji: imaju sjedište na prostoru Kantona Sarajevo, imaju najmanje jednog zaposlenika na neodređeno vrijeme i koji na osnovu obavještenja Službe za statistiku o razvrstavanju prema klasifikaciji djelatnosti obavljaju registrovanu djelatnost unutar dozvoljenih područja djelatnosti, a koje su navedene u poglavlju II tačka a) ovog javnog poziva. Pravo na poticajna grant sredstava za subvencioniranje - refundiranje dijela plaćenih troškova subjekti male privrede ostvaruju za sljedeće aktivnosti: kupovinu mašina i opreme, jačanje konkurentnosti kroz tehnološku modernizaciju, modernizaciju i inovaciju poslovnih procesa, konsultantske usluge, edukaciju i uvođenje sistema i standarda kvalitete; za certificiranje sistema i certificiranje proizvoda (CE oznaka) kojima se obezbjeđuju usklađenost vlastitih proizvoda prema evropskim normama i smjernicama; te za troškove stjecanja prava ili obnavljanja upotrebe ISO, HACCP, HALAL i drugih međunarodno priznatih standarda. Neprihvatljivi troškovi su: vanjski građevinski radovi, kupovina/najam osobnih vozila, plaće i doprinosi na plaće, kupovina, obnova, rekonstrukcija, modernizacija objekata za najam ili prodaju, kupovina i iznajmljivanje zemljišta i nabavka opreme i mašina od lica koja nisu registrovani poslovni subjekti.

**Namjena utroška poticajnih grant sredstava**

Program omogućava subvencioniranje (refundiranje) prihvatljivih troškova, a namjena ostvarene subvencije (refundacije) je obezbjeđenje tekuće likvidnosti, produktivnije poslovanje i rast



web: <http://mp.ks.gov.ba>  
e-mail: [mp@mp.ks.gov.ba](mailto:mp@mp.ks.gov.ba)  
Tel: + 387 (0) 33 562-121, + 387 (0) 33 562-122  
Fax: + 387 (0) 33 562-226  
Sarajevo, Reisa Džemaludina Čauševića 1



privrednih aktivnosti, nabavka osnovnih sredstava i investicije (dugoročna finansiranja), na način koji omogućava stabilizaciju i povećanje obima proizvodnje i/ili usluga, te u skladu sa tim očuvanje postojećih i obezbjeđenje novih radnih mjesta. Korisnik koji po ovom osnovu ostvari subvenciju u maksimalnom iznosu ima obavezu zapošljavanja novog/ih radnika u trajanju od najmanje godinu dana, o čemu je korisnik dužan uz redovni Izvještaj o utrošku sredstava dostaviti i potvrdu Porezne uprave o zapošljavanju.

**Ukupan iznos sredstava za ovu namjenu: 250.000,00 KM.**

Programom utroška sredstava za 2020. godinu za podnosiocima prijave po ovom programu predviđen je iznos od 250.000,00 KM. Sredstva će se dodjeljivati u iznosu do 70% priznatih prihvatljivih troškova za ove namjene, a u maksimalnom iznosu po jednom korisniku do 20.000 KM. Korisnik koji ostvari subvenciju u iznosu od 20.000,00 KM ima obavezu zapošljavanja novog radnika (po mogućnosti do 35 godina) u trajanju od najmanje godinu dana, o čemu je korisnik dužan uz redovni Izvještaj dostaviti i potvrdu Porezne uprave o novo uposlenom radniku. Sredstva za subvencioniranje (refundiranje) troškova uplaćuju se na račun korisnika po osnovu dostavljenih Ugovora i/ili računa kojima se dokazuje namjensko korištenje sredstava i dostavljenog dokaza o plaćanju istog Ugovora i/ili računa (izvod iz banke), te drugih dokaza u skladu sa Javnim pozivom..

**Kriteriji za izbor korisnika poticajnih grant sredstava**

Kriteriji za izbor korisnika poticajnih sredstava na osnovu kojih podnosioci prijave ostvaruju pravo su: obavljanje registrovane djelatnosti poslovnog subjekta – aplikanta (utvrđuje se na osnovu Obavještenja Službe za statistiku o razvrstavanju poslovnog subjekta prema klasifikaciji djelatnosti) unutar dozvoljenih područja djelatnosti, a koje su navedene u poglavlju II tačka a) ovog javnog poziva, broj zaposlenih, povećanje zaposlenosti, orijentiranost izvozu, te jačanje konkurentnosti kroz tehnološku modernizaciju, modernizaciju poslovnih procesa (kupovina mašina i opreme) i inovaciju poslovnih procesa. Uslovi za izbor korisnika poticajnih grant sredstava za primjenu standarda kvalitete su: da se subjekt male privrede nalazi u postupku ili su tokom 2018. i 2019. godine izvršili certifikaciju/standardizaciju i/ili koristili konsultantske usluge ili edukacije za uvođenje i certificiranje kvaliteta i druge standarde EU, ili su imali ulaganja u tehnološku modernizaciju, modernizaciju poslovnih procesa, podršku unapređenju znanja i vještina zaposlenih, podršku inovacijama, promociji izvoznih potencijala, te o tome podnesu adekvatne dokaze (Ugovor i/ili račun i izvod iz banke o plaćenim troškovima), da subjekti male privrede posjeduju dokaze (certifikat izdat od ovlaštene certifikacijske organizacije u 2018. i/ili 2019. godini; obnovljen standard u 2018. i/ili 2019. godini; osiguran CE znak u 2018. i/ili 2019. godini ili posjeduju Tehnički fajl-dosije) sa svim pripadajućim procedurama, uputstvima i zapisima za osiguranje kvalitete proizvoda, te podnesu dokaze o izvršenim uslugama (Ugovor i/ili račun i izvod iz banke o plaćenim troškovima). Sredstva za subvencioniranje (refundiranje) prihvatljivih troškova uplaćuju se na račun korisnika po osnovu dostavljenih Ugovora i/ili računa kojima se dokazuje namjensko korištenje sredstava i dostavljenog dokaza o plaćanju istog Ugovora i/ili računa (izvod iz banke).

**3. Program: Poticaj za unaprjeđenje poduzetništva obrtnika**

**Pravo učesća**

Pravo na dodjelu poticajnih grant sredstava za odgovarajući program/projekt u skladu sa Javnim pozivom ostvaruju udruženja obrtnika koja su uredno registrovana na području Kantona Sarajevo i Obrtnička Komora Kantona Sarajevo, a koji uredno izmiruju sve zakonom predviđene obaveze.



web: <http://mp.ks.gov.ba>  
e-mail: [mp@mp.ks.gov.ba](mailto:mp@mp.ks.gov.ba)  
Tel: + 387 (0) 33 562-121, + 387 (0) 33 562-122  
Fax: + 387 (0) 33 562-226  
Sarajevo, Reisa Džemaludina Čauševića 1



## **Namjena utroška poticajnih grant sredstava**

Poticaj za unaprjeđenje poduzetništva obrtnika je program čija namjena predviđa subvenciju dijela prihvatljivih troškova za provođenje odgovarajućeg programa/projekta razvoja obrta, očuvanja obrtničke tradicije, kulturnog i historijskog nasljeđa tradicionalnih i starih obrtničkih djelatnosti, pružanje stručne i materijalne pomoći tradicionalnim i starim obrtničkim djelatnostima, edukacije i stručnog osposobljavanja mladih u cilju jačanja veza između obrazovnog sistema i obrtništva, interesnog umrežavanje obrtnika i organizovanog zastupanja interesa obrtnika na konferencijama, okruglim stolovima i sajmovima, sa krajnjim ciljem jačanja rada Obrtničke Komore i udruženja obrtnika, te razvoja i afirmacije svih obrta.

### **Ukupan iznos sredstava za ovu namjenu je 50.000,00 KM**

Godišnjim planom za 2020. godinu za ovu namjenu predviđen je iznos od 50.000,00 KM, a sredstva su obezbijedena u Budžetu Kantona Sarajevo na poziciji "Podsticaj razvoju male privrede" (ekonomski kod 614 300) i biće raspoređena na projekte koji zadovolje kriterije iz Javnog poziva.

### **Kriteriji za izbor korisnika poticajnih grant sredstava**

Kriteriji za izbor korisnika poticajnih grant sredstava podrazumijevaju obavezno dostavljanje programa/projekta. Program/projekt mora sadržavati detaljan opis plana realizacije, ključne aktivnosti, predviđene datume realizacije, pregled budžeta projekta i ostale usluge koje treba realizovati iz sredstava poticaja, te na jasan način objasniti o kakvom programu/projektu se radi, a istim se mora predvidjeti broj mjerljivih rezultata na koje će realizacija projekta imati najviše efekta. U pregledu budžeta projekta predstavljaju se troškovi do kojih implementator projekta očekuje da će doći za vrijeme trajanja projekta. Pregled budžeta treba da govori isto što i opis prijedloga projekta, a stavke budžeta treba da prate logičan slijed aktivnosti kako je projektom navedeno. Potrebno je da što više ovih budžetskih stavki bude zasnovano na tačno utvrđenim troškovima, a ne na približnim procjenama. Također, ukoliko je predviđeno sufinansiranje projekta, potrebno je specificirati na taj način planirane aktivnosti i navesti izvore finansiranja iz sopstvenih i/ili drugih izvora. U sklopu projektnog prijedloga daju se dodatna pojašnjenja budžetskih stavki navedenih u formi pregleda budžeta. Tabela prikaz planiranog utroška sredstava mora obuhvatiti sve stavke jasno i kratko opisane, sa definisanom mjernom jedinicom, brojem jedinica i jediničnom cijenom, gdje njihov rezultat daje ukupnu vrijednost svake takve budžetske stavke. Podnosioci prijave obavezni su dostaviti i podatke o broju članova udruženja obrtnika, organiziranost udruženja ili komore, broj učesnika u programu/projektu, pregled ostvarenih poticaja u 2018. i 2019. godini od strane ministarstva privrede i/ili FMRPO, i sl..

## **4. Program: Poticaj start up subjektima male privrede**

### **Pravo učešća**

Pravo na subvencioniranje (refundiranje) troškova ostvaruju start up subjekti male privrede osnovani u skladu sa Zakonom od 01.01.2017. godine do 31.12.2019. godine sa sjedištem na području Kantona Sarajevo i koji u skladu sa Obavještenjem Službe za statistiku o razvrstavanju prema klasifikaciji djelatnosti obavljaju registrovanu djelatnost unutar dozvoljenih područja djelatnosti, a koje su navedene u poglavlju II tačka a) ovog javnog poziva. Pravo na poticajna grant sredstava za subvencioniranje (refundiranje) dijela plaćenih troškova u 2017., 2018. i 2019. godini ostvaruju subjekti male privrede za sljedeće aktivnosti: nabavku mašina, postrojenja i opreme, repromaterijala u vrijednosti većoj od 3.000,00 KM, unutrašnje uređenje poslovnog prostora;



web: <http://mp.ks.gov.ba>  
e-mail: [mp@mp.ks.gov.ba](mailto:mp@mp.ks.gov.ba)  
Tel: + 387 (0) 33 562-121, + 387 (0) 33 562-122  
Fax: + 387 (0) 33 562-226  
Sarajevo, Reisa Džemaludina Čauševića 1



preuređenje i nadogradnju strojeva i opreme u cilju prilagođavanja novim poslovima; ulaganje u razvoj i nabavu novih tehnologija; ulaganje u povećanje postojećih proizvodnih kapaciteta i usluga i troškove zakupa poslovnog prostora. Neprihvatljivi troškovi su: vanjski građevinski radovi, kupovina/najam osobnih vozila, plaće i doprinosi na plaće, kupovina, obnova, rekonstrukcija, modernizacija objekata za najam ili prodaju, kupovina i iznajmljivanje zemljišta i nabavka opreme i mašina od lica koja nisu registrovani poslovni subjekti.

#### **Namjena utroška poticajnih grant sredstava**

Ovim Programom poticajna sredstva dodjeljuju se start up subjektima male privrede registrovanim u periodu od 01.01.2017. godine do 31.12.2019. godine za subvencioniranje (refundiranje) prihvatljivih troškova nastalih u fazi pokretanja privredne aktivnosti, odnosno za sljedeće aktivnosti: nabavu mašina, opreme, alata, uređenje (građevinski, instalacijski i radovi unutrašnjeg uređenja) i zakup poslovnog prostora, izradu poslovnog plana, softvera i konsultantske usluge i sl., ukoliko isti nisu sufinansirani od drugih institucija prilikom njihove registracije. Ostvarene subvencije omogućavaju ekonomsku održivost i stabilnost poslovnih subjekta na području Kantona Sarajevo, pokretanje nove i/ili održavanje postojeće djelatnosti, veće iskorištenje kapaciteta, održavanje postojećih radnih mjesta i novo upošljavanje, prevazilaženje negativnih učinaka ekonomske krize, povećanje izvoza i obezbjeđenje redovnog poslovanja.

#### **Ukupan iznos sredstava za ovu namjenu: 150.000,00 KM**

Godišnjim planom za ovaj Program planiran je ukupan iznos od 150.000,00 KM. Sredstva za provođenje ovog Programa dodjeljuju se isključivo za troškove nastale nakon 01.01.2017. godine do 31.12.2019. godine. Poticaj može iznositi do 70% prihvatljivih dokumentiranih troškova, a najviše ukupno 20.000,00 KM za jedan privredni subjekt. Korisnik koji ostvari subvenciju od najmanje 20.000,00 KM ima obavezu zapošljavanja novog radnika u trajanju od najmanje godinu dana, o čemu je dužan uz Izvještaj dostaviti i potvrdu Porezne uprave.

#### **Kriteriji za izbor korisnika poticajnih grant sredstava**

Kriteriji za izbor korisnika poticajnih sredstava na osnovu kojih podnosioci zahtjeva ostvaruju pravo su: obavljanje registrovane djelatnost koja je navedena kao dozvoljena u općim uvjetima dodjele poticajnih grant sredstava i subvencija (što dokazuju obavještenjem službe za statistiku o razvrstavanju pravnog lica prema klasifikaciji djelatnosti), djelatnost koju subjekt male privrede obavlja (proizvodna ili proizvodno – uslužna), broj zaposlenih, povećanje zaposlenosti, orijentiranost izvozu, te za jačanje konkurentnosti kroz tehnološku modernizaciju, modernizaciju poslovnih procesa. Sredstva za subvencioniranje troškova uplaćuju se na račun korisnika na osnovu dostavljenog dokaza o kupljenim mašinama i ostaloj opremi, izvedenim radovima i utrošenim sredstvima za koji se traži subvencija dijela troškova, a privredni subjekti obavezni su dostaviti račune i/ili ugovore kojima se dokazuje namjensko korištenje sredstava za koje su podnijeli zahtjev i dokaz o plaćanju dostavljenih računa (izvod iz banke), te fotodokumentaciju mašina, postrojenja, opreme koja je nabavljena ili prostora koji je uređen. Pravo prvenstva imaju podnositelji zahtjeva za poticaj koji se bave proizvodnom djelatnošću, a posebno izvozno orijentisani subjekti male privrede. Pravo ne mogu ostvariti privredni subjekti koji su koji su za bilo koju od navedenih namjena u periodu od 01.01.2017. godine do 31.12.2019. godine ostvarili subvenciju, donaciju ili drugi vid finansijske pomoći.



## **5. Program: Poticaj razvoja ženskog preduzetništva**

### **Pravo učešća**

Pravo na subvencioniranje (refundiranje) troškova u 2017.; 2018. i 2019. godini ostvaruju subjekti male privrede osnovani u skladu sa Zakonom o poticaju razvoja male privrede koji imaju sjedište na prostoru Kantona Sarajevo i koji u skladu sa Obavještenjem o razvrstavanju pravnog lica prema klasifikaciji djelatnosti obavljaju registrovanu djelatnost koja je navedena kao dozvoljena u općim uvjetima dodjele poticajnih grant sredstava i subvencija u Godišnjem planu i ovom Programu utroška sredstava, a koji su u većinskom (minimalno 51%) privatnom vlasništvu žena državljanke Bosne i Hercegovine, zapošljavaju najmanje 2 (dva) radnika uključujući i vlasnicu, s time da će prednost imati oni koji su usmjereni na proizvodnju i plasman vlastitih, izvornih proizvoda i usluga. Pravo na poticajna grant sredstava za subvencioniranje (refundiranje) dijela plaćenih troškova ostvaruju subjekti male privrede za sljedeće aktivnosti: nabavku mašina, postrojenja i opreme, repromaterijala u vrijednosti većoj od 3.000,00 KM, unutrašnje uređenje poslovnog prostora; preuređenje i nadogradnju strojeva i opreme u cilju prilagođavanja novim poslovima; ulaganje u razvoj i nabavu novih tehnologija; ulaganje u povećanje postojećih proizvodnih kapaciteta i usluga i troškove zakupa poslovnog prostora. Neprihvatljivi troškovi su: vanjski građevinski radovi, kupovina/najam osobnih vozila, plaće i doprinosi na plaće, kupovina, obnova, rekonstrukcija, modernizacija objekata za najam ili prodaju, kupovina i iznajmljivanje zemljišta i nabavka opreme i mašina od lica koja nisu registrovani poslovni subjekti. Pravo ne mogu ostvariti privredni subjekti koji su za bilo koju navedenu namjenu u periodu od 01.01.2017. godine do 31.12.2019. godine i po bilo kom osnovu ostvarili subvenciju, donaciju ili drugi vid finansijske pomoći

### **Namjena utroška poticajnih grant sredstava**

Ovim Programom obezbjeđuju se poticajna grant sredstva ženama poduzetnicama za subvencioniranje (refundiranje) prihvatljivih troškova u periodu od 01.01.2017. godine do 31.12.2019. godine po osnovu sljedećih aktivnosti: nabavka mašina, opreme, alata, uređenje (građevinski, instalacijski i radovi unutrašnjeg uređenja) i zakup poslovnog prostora, izrada poslovnog plana, softvera i konsultantske usluge i sl., ukoliko isti nisu sufinansirani od drugih institucija prilikom njihove registracije. Ostvarene subvencije omogućavaju odabranim korisnicima ekonomsku održivost i stabilnost poslovnih subjekta koji su u većinskom (minimalno 51%) privatnom vlasništvu žena na području Kantona Sarajevo, pokretanje nove i/ili održavanje postojeće djelatnosti, veće iskorištenje kapaciteta, održavanje postojećih radnih mjesta i novo upošljavanje, prevazilaženje negativnih učinaka ekonomske krize, povećanje izvoza i uredno poslovanje.

### **Ukupan iznos sredstava za ovu namjenu: 150.000,00 KM**

Godišnjim planom za ovaj Program planiran je ukupan iznos od 150.000,00 KM. Sredstva za provođenje ovog Programa dodjeljuju se isključivo za troškove nastale nakon 01.01.2017. godine do 31.12.2019. godine. Sredstva za provođenje ovog Programa po javnom pozivu dodjeljuju se isključivo za troškove sa datumom fakture od 01.01.2017. godine do 31.12.2019. godine. Minimalni iznos prihvatljivih troškova je 3.000,00 KM, a maksimalan iznos poticaja može iznositi do 70% prihvatljivih dokumentiranih troškova, najviše 20.000,00 KM prihvatljivih troškova za jedan privredni subjekt. Korisnik koji po ovom osnovu ostvari subvenciju u iznosu od 20.000,00 KM ima obavezu zapošljavanja novog/ih radnika u trajanju od najmanje godinu dana, a korisnik je dužan uz redovni Izvještaj dostaviti i potvrdu Porezne uprave. Sredstva za subvencioniranje dijela troškova u visini do 80 % dokumentiranih troškova za navedene aktivnosti, uplaćuju se na račun korisnika po osnovu dostavljenih računa i/ili ugovora kojima se dokazuje namjensko korištenje sredstava i dostavljenog dokaza o plaćanju računa/ugovora (izvod iz banke). Sredstva za provođenje ovog



web: <http://mp.ks.gov.ba>  
e-mail: [mp@mp.ks.gov.ba](mailto:mp@mp.ks.gov.ba)  
Tel: + 387 (0) 33 562-121, + 387 (0) 33 562-122  
Fax: + 387 (0) 33 562-226  
Sarajevo, Reisa Džemaludina Čauševića 1





Programa po Javnom pozivu dodjeljuju se isključivo za troškove sa datumom fakture od 01.01.2016.godine do 31.12.2018. godine. Minimalni iznos prihvatljivih troškova je 3.000,00 KM, a maksimalan iznos poticaja može iznositi najviše 20.000,00 KM prihvatljivih troškova za jedan privredni subjekt. Korisnik koji po ovom osnovu ostvari subvenciju u iznosu od 20.000,00 KM ima obavezu zapošljavanja novog/ih radnika u trajanju od najmanje godinu dana, i dužan je o tome uz redovni Izvještaj dostaviti i potvrdu Porezne uprave.

#### **Kriteriji za izbor korisnika poticajnih grant sredstava**

Kriteriji za izbor korisnika poticajnih sredstava na osnovu kojih podnosioci zahtjeva ostvaruju pravo su: obavljanje registrovane djelatnosti koja je navedena kao dozvoljena u općim uvjetima dodjele poticajnih grant sredstava i subvencija (što dokazuju obavještenjem službe za statistiku o razvrstavanju pravnog lica prema klasifikaciji djelatnosti), djelatnost koju subjekt male privrede obavlja (proizvodna ili proizvodno – uslužna), broj zaposlenih, povećanje zaposlenosti, orijentiranost izvozu, te za jačanje konkurentnosti kroz tehnološku modernizaciju, modernizaciju poslovnih procesa. Sredstva za subvencioniranje troškova uplaćuju se na račun korisnika na osnovu dostavljenog dokaza o kupljenim mašinama i ostaloj opremi, izvedenim radovima i utrošenim sredstvima za koji se traži subvencija dijela troškova, a privredni subjekti obavezni su dostaviti račune i/ili ugovore kojima se dokazuje namjensko korištenje sredstava za koje su podnijeli zahtjev i dokaz o plaćanju dostavljenih računa (izvod iz banke), te fotodokumentaciju mašina, postrojenja, opreme koja je nabavljena ili prostora koji je uređen. Pravo prvenstva imaju podnositelji zahtjeva za poticaj koji se bave proizvodnom djelatnošću, a posebno izvozno orijentisani subjekti male privrede. Pravo ne mogu ostvariti privredni subjekti koji su koji su za bilo koju od navedenih namjena u periodu od 01.01.2017. godine do 31.12.2019. godine ostvarili subvenciju, donaciju ili drugi vid finansijske pomoći.

#### **IV NAČIN PODNOŠENJA PRIJAVE**

Svi podnosioci prijava obavezni su u potpunosti dostaviti traženu dokumentaciju. Prijava koja ne sadrži kumulativno i opće i posebne priloge koji se zahtijevaju Javnim pozivom, zbog neispunjavanja formalno-pravnih uslova se odbacuje bez obaveze daljeg razmatranja. U skladu sa članom 7. Pravilnika aplikanti prilikom podnošenja prijave na Javni poziv obavezno dostavljaju:

#### **PRIJAVNI OBRAZAC ZA UKLJUČIVANJE U PROGRAM**

a) **Obrazac prijave** za Program poticaja može se preuzeti direktno na web stranici: Ministarstva privrede <http://mp.ks.gov.ba/>. Aplikant obavezno popunjava sve rubrike prijavnog obrasca i odgovara za vjerodostojnost svih navedenih podataka.

b) **PROJEKAT**, u skladu sa članom 7. stav (2) tačka b) Pravilnika, potrebno je dostaviti sa sljedećim sadržajem: Program/projekt mora sadržavati detaljan opis plana realizacije, ključne aktivnosti, predviđene datume realizacije, pregled budžeta projekta i ostale usluge koje treba realizovati iz sredstava poticaja, te na jasan način objasniti o kakvom programu/projektu se radi, a istim se mora predvidjeti broj mjerljivih rezultata na koje će realizacija projekta imati najviše efekta. U pregledu budžeta projekta predstavljaju se troškovi do kojih implementator projekta očekuje da će doći za vrijeme trajanja projekta. Pregled budžeta treba da govori isto što i opis prijedloga projekta, a stavke budžeta treba da prate logičan slijed aktivnosti kako je projektom navedeno. Potrebno je da što više ovih budžetskih stavki bude zasnovano na tačno utvrđenim troškovima, a ne na približnim procjenama. Također, ukoliko je predviđeno sufinansiranje projekta, potrebno je specificirati na taj način planirane aktivnosti i navesti izvore finansiranja iz sopstvenih



web: <http://mp.ks.gov.ba>  
e-mail: [mp@mp.ks.gov.ba](mailto:mp@mp.ks.gov.ba)  
Tel: + 387 (0) 33 562-121, + 387 (0) 33 562-122  
Fax: + 387 (0) 33 562-226  
Sarajevo, Reisa Džemaludina Čauševića 1



i/ili drugih izvora. U sklopu projektnog prijedloga daju se dodatna pojašnjenja budžetskih stavki navedenih u formi pregleda budžeta. Tabela prikaz planiranog utroška sredstava mora obuhvatiti sve stavke jasno i kratko opisane, sa definisanom mjernom jedinicom, brojem jedinica i jediničnom cijenom, gdje njihov rezultat daje ukupnu vrijednost svake takve budžetske stavke. Projekat se mora provesti u roku od 6 (šest) mjeseci od dana doznake sredstava na račun Korisnika sredstava po osnovu prihvaćenog projekta i može se provesti u najviše tri faze (edukacija, trening i mentoring/monitoring)

### c) **DOKUMENTACIJA**

#### **Opća dokumentacija:**

Podrazumjeva obaveznu dokumentaciju koju uz prijavni obrazac podnose svi aplikanti:

- a) Rješenje o registraciji, odnosno osnivanju (izdato od nadležnog organa);
- b) Uvjerenje o poreskoj registraciji - identifikacijski broj (ID broj);
- c) Uvjerenje o registraciji obveznika poreza na dodanu vrijednost;
- d) Obavještenje o razvrstavanju pravnog lica prema klasifikaciji djelatnosti KD BiH 2010;
- e) Izvještaj o finansijskom poslovanju (ovjeren bilans stanja, bilans uspjeha za 2019. godinu);
- f) Uvjerenje o izmirenim obavezama po osnovu poreza i doprinosa ne starije od 30 dana od dana objave javnog poziva i dokaz o ukupnom broju zaposlenih (Potvrda Porezne uprave Federacije Bosne i Hercegovine);
- g) Uvjerenje o izmirenim indirektnim porezima izdato od Uprave za indirektno oporezivanje, ne starije od 3 mjeseca od dana podnošenja prijave, kojim se dokazuje da subjekt uredno izmiruje indirektno poreze;
- h) Izjava subjekta o namjenskom utrošku sredstava u skladu sa ovim programom i da po istom osnovu za koji je aplicirao nisu odobravana sredstva iz Budžeta Kantona ili drugog izvora FBiH;
- i) Izjavu ovjerenu kod općinskog organa da su saglasni da rezultati javnog poziva budu objavljeni na web stranici Ministarstva privrede Kantona Sarajevo;
- j) Ugovor o otvorenom transakcijskom računu kod banke; i
- k) Na zahtjev Ministarstva privrede druga relevantna dokumentacija.

#### **Posebna dokumentacija:**

Podrazumjeva obaveznu dokumentaciju koju uz prijavni obrazac podnose subjekti male privrede (aplikanti) po svakom pojedinačnom Programu, i obuhvata sljedeće dokumente:

#### **1. Program: Subvencioniranje (refundiranje) troškova kamata po preuzetim kreditima**

- a) Ugovor o kreditu sa komercijalnom bankom iz 2018. i 2019. godine iz kojeg se nedvojbeno može utvrditi namjena odobrenih kreditnih sredstava i EKS; i
- b) Potvrda banke o redovnoj otplati kredita sa obaveznim pregledom i ukupnim iznosom obračunatih i naplaćenih kamata za svaku godinu (2018./2019. godina) za koju se traži subvencija dijela troškova kamate po osnovu kredita.

#### **2. Program: Poticaj za tehnološku modernizaciju i primjenu standarda kvalitete**

- a) Ugovor sa konsultantskom organizacijom za 2018. i/ili 2019. godini;
- b) Ugovor sa certifikacijskom ustanovom za predmetni certifikat uvođenja međunarodnih standarda (ISO, HACCP, HALAL; i drugih međunarodnih standarda)



web: <http://mp.ks.gov.ba>  
e-mail: [mp@mp.ks.gov.ba](mailto:mp@mp.ks.gov.ba)  
Tel: + 387 (0) 33 562-121, + 387 (0) 33 562-122  
Fax: + 387 (0) 33 562-226  
Sarajevo, Reisa Džemaludina Čauševića 1



- c) Naslovna strana i sadržaj Tehničkog fajla ((korisnik mora posjedovati kompletan Tehnički fajl - dosije sa svim pripadajućim procedurama, uputstvima i zapisima za osiguranje kvalitete proizvoda), zbog obimnosti ne mora se dostavljati kompletan, nego samo navedeni dio s tim da je korisnik samo po zahtjevu Ministarstva obavezan dostaviti kompletan Tehnički fajl;
- d) Ugovor sa certifikacijskom ustanovom ili Ugovor/sporazum o korištenju dokumentacije o ispitivanju u sklopu postupka osiguranja CE znaka u 2018. i/ili 2019. godini;
- e) Certifikat izdat od ovlaštene certifikacijske organizacije u 2018. i/ili 2019. godini;
- f) Za jačanje konkurentnosti kroz tehnološku modernizaciju, modernizaciju poslovnih procesa (kupovina mašina i opreme) i inovaciju poslovnih procesa, potrebno je odtaviti Ugovore ili račune i izvode sa banke kojima se dokazuje da je izvršeno plaćanje za predmetnu namjenu po dostavljenim ugovorima ili računima i drugi relevantni dokazi po osnovu kojih je tražen poticaj; i
- g) Na zahtjev Ministarstva privrede druga relevantna dokumentacija.

### **3. Program: Poticaj za unaprjeđenje poduzetništva obrtnika**

- a) Dokument o organizovanosti i broju članova udruženja;
- b) Pisana saglasnost odgovarajućeg organa/institucije ukoliko se projekat implementira u saradnji sa obrazovnim ili drugim institucijama;
- d) Obavezno je dostaviti PROJEKAT/PROGRAM urađen prema svim traženim zahtjevima; i
- e) Dokaz o partnerstvu. Partneri mogu biti javne ustanove, nevladine organizacije i privatni sektor, s tim da se partnerstvo sa jedinicama lokalne samouprave, drugim općinama ili gradovima, nevladinim ili privatnim sektorom dodatno boduje prilikom ocjenjivanja projektnih prijedloga.

### **4. Program: Poticaj start up subjektima male privrede**

- a) Računi ili ugovori kojima se dokazuje namjensko korištenje sredstava u skladu sa namjenom utroška poticajnih grant sredstava za ovu poticajnu mjeru;
- b) Dokaz o plaćanju računa ili ugovora (izvodi iz banke) kojima se dokazuje da je izvršeno plaćanje za predmetnu namjenu po dostavljenim računima ili ugovorima;
- c) fotodokumentaciju mašina, postrojenja, opreme koja je nabavljena ili prostora koji je uređen; i

### **5. Program: Poticaj razvoja ženskog preduzetništva**

- a) Računi ili ugovori kojima se dokazuje namjensko korištenje sredstava u skladu sa namjenom utroška poticajnih grant sredstava za ovu poticajnu mjeru;
- b) Dokaz o plaćanju računa ili ugovora (izvodi iz banke) kojima se dokazuje da je izvršeno plaćanje za predmetnu namjenu po dostavljenim računima ili ugovorima; i
- c) fotodokumentaciju mašina, postrojenja, opreme koja je nabavljena ili prostora koji je uređen.

**Napomena:** Opća i posebna dokumentacija dostavlja se u originalu ili od strane odgovarajuće finansijske institucije, nadležnog tijela uprave ili notara ovjerenim fotokopijama ne starijim od tri mjeseca, računajući od dana objave Obavještenja o ovom Javnom pozivu u "Službenim novinama Kantona Sarajevo". Prednje se ne odnosi jedino na rješenje o registraciji pravnog subjekta, uvjerenje o poreznoj registraciji i uvjerenje o registraciji PDV obveznika. Izjave se dostavljaju u originalu na memorandumu subjekta male privrede i moraju biti ovjerene i potpisane od ovlaštene osobe.



web: <http://mp.ks.gov.ba>  
e-mail: [mp@mp.ks.gov.ba](mailto:mp@mp.ks.gov.ba)  
Tel: + 387 (0) 33 562-121, + 387 (0) 33 562-122  
Fax: + 387 (0) 33 562-226  
Sarajevo, Reisa Džemaludina Čauševića 1



## V ROK ZA PODNOŠENJE PRIJAVA NA JAVNI POZIV

Rok za dostavljanje prijave je 30 (trideset) dana od dana objave Obavještenja o Javnom pozivu u "Službenim novinama Kantona Sarajevo", broj 32/20 od 20.08.2020. godine. Prijave primljene nakon isteka roka neće biti uzete u razmatranje. Potpuni tekst Javnog poziva i prijavnice obrasce možete preuzeti na web stranici Ministarstva privrede: <http://mp.ks.gov.ba/>.

## VI MJESTO I NAČIN PODNOŠENJA PRIJAVA

Prijave se podnose u zatvorenoj koverti direktno na protokol Kantona Sarajevo ili preporučeno putem pošte na adresu: Ministarstvo privrede Kantona Sarajevo, ulica Reisa Džemaludina Čauševića broj 1, sa naznakom "Ne otvarati - po Javnom pozivu za "Poticaj razvoju male privrede" i obavezno navesti naziv Programa:\_\_\_\_\_". Na poleđini koverta obavezno se navodi naziv podnosioca prijave, adresa i kontakt telefon, te se ovjerava pečatom.

## VII OCJENA I IZBOR KORISNIKA

Kriteriji za izbor korisnika poticajnih grant sredstava utvrđeni su Pravilnikom, Programom utroška sredstava i javnim pozivom. Komisija razmatra dostavljene zahtjeve, programe/projekte i dokumentaciju propisanu Javnim pozivom, te na osnovu utvrđenih kriterija, Pravilnika i poslovnika o radu sačinjava prijedlog korisnika i iznose sredstava. Ukoliko aplikanti podnesu zahtjeve, koji su nakon obrade u ukupnom iznosu veći od planiranog iznosa sredstava po pojedinom programu, Komisija može donijeti prijedlog odluke da se svim aplikantima koji ispunjavaju tražene uslove odobre poticajna sredstva srazmjerno ukupnim planiranim sredstvima za ovaj Program. Prijedlog odluke o izboru korisnika poticajnih grant sredstava utvrđuje ministar Ministarstva privrede, a Odluku donosi Vlada Kantona Sarajevo.

## VIII OSTALE ODREDBE

Sa odabranim korisnicima Ministarstvo privrede zaključuje ugovor, nakon čega se sredstva doznačavaju na transakcijske račune korisnika. U skladu sa ugovorom korisnici sredstava dužni su u roku i na način propisan ugovorom za sve aktivnosti dostaviti Izvještaj sa traženim dokazima o namjenskom utrošku sredstava doznačenih iz budžeta. Ukoliko se nakon zaključivanja ugovora utvrdi da je došlo do povrede Zakona, propisa donesenih za njegovo provođenje i odredbi ugovora, Ministarstvo će postupiti u skladu sa čl. 17. i 18. Pravilnika o postupcima u provođenju Programa razvoja male privrede ("Službene novine Kantona Sarajevo", br. 17/16, 30/16, 42/16, 21/17 i 29/19). U postupku po Javnom pozivu Ministarstvo zadržava pravo da programe/projekte aplikantata prihvati u cijelosti, djelomično, ili ih odbije, te da poništi Javni poziv, ili da odbaci sve programe/projekte, u bilo koje vrijeme prije zaključenja ugovora. Ministarstvo ne snosi odgovornost prema učesnicima Javnog poziva, u pogledu aktivnosti koje su preduzeli u cilju apliciranja za određeni program. Podnosiocu prijave koja udovoljava formalno-pravnim uslovima iz Javnog poziva, a koji bude odbijen zbog nedovoljnih sredstava, ili slabijeg kvaliteta ponuđenog programa/projekta, na njegov pismeni zahtjev Ministarstvo će obrazložiti razloge zbog kojih isti nije rangiran.

Prispjela dokumentacija se ne vraća podnosiocu prijave. Sve dodatne informacije mogu se dobiti putem telefona: 033/ 562 119.



web: <http://mp.ks.gov.ba>  
e-mail: [mp@mp.ks.gov.ba](mailto:mp@mp.ks.gov.ba)  
Tel: + 387 (0) 33 562-121, + 387 (0) 33 562-122  
Fax: + 387 (0) 33 562-226  
Sarajevo, Reisa Džemaludina Čauševića 1



## MINISTAR

**Dražko Jeličić, dipl.ecc.**

Pripremio/Kontrolisao: Bruno Vištica

Kontrolisao: Nurija Memić



web: <http://mp.ks.gov.ba>  
e-mail: [mp@mp.ks.gov.ba](mailto:mp@mp.ks.gov.ba)  
Tel: + 387 (0) 33 562-121, + 387 (0) 33 562-122  
Fax: + 387 (0) 33 562-226  
Sarajevo, Reisa Džemaludina Čauševića 1

